

(<https://news.usm.my>).

Berita Mutakhir

12 MAY

JERAYAWARA UniTP ORANGE BOOK ZON UTARA BERLANGSUNG DENGAN JAYANYA DI USM



PULAU PINANG, 11 Mei 2017 – Jerayawara *University Transformation Programme (UniTP) Orange Book: Strengthening Academic Career Pathways and Leadership Development*, Zon Utara, telah berlangsung dengan jayanya di Auditorium Murad Mohd Noor, [Sains@USM \(mailto:Sains@USM\)](mailto:Sains@USM), Universiti Sains Malaysia (USM) di sini baru-baru ini.

Hampir 180 staf akademik yang terdiri daripada pensyarah USM serta wakil dari Universiti Utara Malaysia (UUM), Universiti Malaysia Perlis (UniMAP) and Universiti Teknologi MARA (UiTM) menghadiri jerayawara tersebut.

Dianjurkan oleh Pejabat Pengurusan Program (PMO), Kementerian Pendidikan Tinggi (KPT) dengan kerjasama Bahagian Pembangunan Institusi (BPI) USM, program tersebut telah membariskan 3 penceramah yang berpengalaman luas dalam bidang pembangunan akademik dan kepimpinan iaitu:



- i. Profesor Dr. Abd Karim Alias – Pengarah, Pusat Pembangunan Kecemerlangan Akademik (CDAE) USM yang juga ahli penulis UniTP Orange Book;



- ii. Dr. Roszana Tapsir – Ketua Program, Pejabat Pengurusan Program (PMO), KPT; dan



iii. Prof. Madya Dr. Mohd. Rusdan Mohd. Jailani – Timbalan Pengarah, Pusat Latihan Kepimpinan, Akademi Kepimpinan Pendidikan Tinggi (AKEPT) yang juga ahli penulis UniTP Orange Book.

Terdahulu, Naib Canselor USM, Profesor Datuk Dr. Asma Ismail, dalam ucapan aluannya merakamkan setinggi-tinggi penghargaan kepada KPT kerana memilih USM sebagai tuan rumah untuk menganjurkan jerayawara ini yang disifatkannya amat penting dan bermanfaat dalam memberikan pendedahan dan garis panduan kepada staf di IPT khususnya staf akademik mengenai pelaksanaan 4 laluan kerjaya akademik dalam pembinaan kecemerlangan bakat (Talent Excellence).



“Melalui program ini, kita akan diperkenalkan kepada kepentingan membina kecemerlangan bakat dan rangka kerja bagi empat laluan kerjaya akademik, proses pelaksanaan dan faktor-faktor penting dalam membangunkan serta mengekalkan kecemerlangan kepimpinan dalam laluan kerjaya yang berbeza (Differentiated Career Pathways, DCP),” katanya.

Jelas Asma lagi, DCP menyediakan rangka kerja untuk mewujudkan suatu ekosistem akademik yang membolehkan staf akademik di IPT memupuk dan menyerlahkan kecemerlangan dan kepimpinan dalam aspek pengajaran, penyelidikan, amalan profesional dan kepimpinan institusi.

UniTP Orange Book dilancarkan pada 14 Julai 2016 merupakan salah satu inisiatif Pelan Pembangunan Pendidikan Malaysia 2015 - 2025 (Pendidikan Tinggi) – PPPM (PT).

Teks: Tan Ewe Hoe/Foto: Mohd Fairus Md. Isa



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia \(http://www.usm.my\)](http://www.usm.my).

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015